

Jeste

li

spremni?

Vodič za slučajeve neposredne
opasnosti za Cass i Clay okruge

omogućen od strane Cass i Clay partnerstva za planiranje slučajeve
neposredne opasnosti


Bosnian



Kad se nepogoda/opasnost desi, može vas natjerati da evakuišete cijelo susjedstvo ili vas može prisiliti da budete zatvoreni u kući

Ako velika oluja prekine napajanje strujom, prekine telefonske veze i ostale osnovne javne usluge u trajanju od više dana, ili ako vas eventualno izliv hemikalija prisili da ostanete u kući, šta biste uradili?

Vaša porodica će najbolje izdržati ako se pripremite za katastrofu prije nego se ona desi



Sadržaj

Izvori informacija	1
Privremena skloništa (Sheltering in place)	2
Osmatranje i upozoravanje	3
Sirene i CodeRed	4
Evakuacija i javna skloništa	5
Vrste vanrednih stanja:	
Sigurnost od požara kod kuće	6
Poplave i 'flash' poplave (flooding)	7
Sijevanje i oluje sa grmljavinom	8
Tornada	9
Oboreni provodnici pod naponom	10
Toplotni talasi	11
Snježne oluje i ekstremne hladnoće	12
Nestanak struje	13
Slučajevi neposredne opasnosti sa prirodnim gasom	14
Slučajevi neposredne opasnosti od hemikalija	15
Neposredna opasnost u sferama javnog zdravlja	16

Izvori informacija

Ako trebate pomoć tokom neposredne opasnosti, zovite 911. Izvori informacija dole navedeni su vam obezbijedeni da bi vam se pomoglo kod planiranja za slučaj neposredne opasnosti.

Minn-Kota Chapter, American Red Cross:

701-364-1800

www.fargoredcross.org

- ✓ Izvori za planiranje slučaja katastrofa
- ✓ Kursevi CPR-a i prve pomoći
- ✓ Poučne prezentacije

Opština Dilworth: 218-287-2313

Dilworth vatrogasna služba: 218-287-2313

Dilworth policija: 218-287-2666

Opština Fargo: 701-241-1310

www.cityoffargo.com

Fargo vatrogasna služba: 701-241-1540

Fargo policija: 701-241-1437

Opština Moorhead:

218-299-5166

www.cityofmoorhead.com

Moorhead vatrogasna služba: 218-299-5434

Moorhead policija: 218-299-5120

Opština West Fargo :

701-433-5300

www.westfargo.org

West Fargo vatrogasna služba: 701-433-5380

West Fargo policija: 701-433-5500

Cass Fargo

Emergency Management:

701-476-4068

www.cassfargoemergency.com

www.cityoffargo.com/emergencies

Clay County Emergency Management:

218-299-7357

Fargo Cass Public Health:

701-241-1360

www.cityoffargo.com/health

Clay County Public Health:

218-299-5220

www.co.clay.mn.us/Depts/Health/Health.htm

Informacije i upute širom države:

(Minnesota and

North Dakota): Nazvati 211

“Nazovite prije nego počnete kopati”

Minnesota and North Dakota: Nazvati 811

North Dakota Department of Emergency Services:

701-328-8100

www.nd.gov/des

Minnesota Homeland Security and Emergency Management:

651-201-7400

Department of Homeland Security:


www.dhs.gov

Centar za situacije trovanja::

1-800-222-1222

Privremena skloništa (Sheltering in place)

Jedna od instrukcija koje vam mogu biti izdate kad se desi ispuštanje štetnih materija u atmosferu je sklanjanje u privremena skloništa (shelter-in-place). Ova mjera predostrožnosti je namijenjena da vas osigura u zatvorenom prostoru. (Ovo nije isto što i odlazak u javno sklonište u školi ili nekoj drugoj lokaciji.) **"Shelter-in-place" znači odabir male sobe u objektu - sobe koja nema ili ima minimalan broj prozora i sklanjanje u tu sobu.** To ne znači da morate izolovati čitavu kuću ili poslovnu zgradu.



Spustite zavjese i zaključajte prozore i vrata, ako vam vlasti savjetuju da se sklonite (shelter-in-place).

Može se desiti da se morate skloniti u "shelter-in-place" ako je hemijsko, biološko ili radioaktivno zagađenje ispušteno u okruženje. Ako se ovo desi, lokalne vlasti će obezbijediti informaciju preko TV i radio stanica, da bi vam pomogli da zaštitite sebe i porodicu. Držite radio ili TV upaljene na poslu ili kod kuće, tako da možete biti alarmirani brzo kad se rizične prilike pojave.

Znati kako se skloniti u privremeno sklonište (shelter-in-place)

- ✓ Zatvorite i zaključajte sve prozore i vanjska vrata.
- ✓ Ako vam je rečeno da postoji opasnost od eksplozije, zatvorite roletne, žaluzine i navucite zavjese.
- ✓ Isključite sve ventilatore, kao i sisteme za grijanje i klimatizaciju.
- ✓ Zatvorite poklopac prema dimnjaku u kaminu.
- ✓ Ponesite priručni pribor za vanredne slučajeve opasnosti i radio.
- ✓ Idite u unutrašnju sobu **bez** prozora, koja je iznad nivoa zemlje. Povedite kućne ljubimce.
- ✓ Koristite ljepljivu traku (duct tape) i najlone (teži vid od onih kojima pakujete hranu) da zabrtvite sve procjepe oko vrata, kao i sve ventilacijske dovode u sobu.
- ✓ Slušajte radio ili TV, dok vam se ne kaže da je sve sigurno.

Osmatranje i upozoravanje

Osmatranje oluja (storm watch) znači da su oluje moguće u vašem kraju. Kad je osmatranje u toku, slušajte lokalni radio i TV stanice za dodatne podatke ili idite na web-site **www.weather.gov**.

Budite svjesni promjenljivih vremenskih prilika i izbjegavajte nepotrebna putovanja.

Upozorenje na oluju znači da je oluja već u vašem kraju. Kad se izda upozorenje za oluju, stručnjaci za sigurnost preporučuju da ostanete u kući, to se smatra najboljim mjestom gdje ste zaštićeni. Ne računajte da nema opasnosti ako vidite da je nebo čisto.



Ne zaboravite: Upozorenje na oluju znači da je oluja već usmjerena ka vama ili je već u vašem kraju.

Sirene

Vanjske sirene nas upozoravaju na **izlive hemikalija, ozbiljne vremenske nepogode i druge vanjske vanredne slučajeve opasnosti**. Kad se sirene oglase, idite u kuću i gledajte lokalnu TV ili radio stanicu, da biste vidjeli koja je vrsta opasnosti i kako da se zaštitite.

Ne računajte da nema opasnosti ako vidite da je nebo čisto.

Testiranje sirena se obavlja svake prve srijede u mjesecu u 1:00 popodne u mjestima Fargo, Dilworth i Moorhead. Grad West Fargo testira svoje sirene svakodnevno u podne.



Sistem uzbunjivanja 'CodeRED'

'CodeRED' je automatski sistem obavještanja koji može nazvati na kućne, poslovne i mobilne telefone i ostaviti poruke o neposrednoj opasnosti koje su prethodno snimljene od strane lokalnih vlasti. 'CodeRED' je na raspolaganju svim stanovnicima Cass i Clay Okruga (Counties). Otiđite na gradski ili okružni web-site da se registrujete ili nazovite 476-4068 (Cass County) ili 299-5151 (Clay County).

Evakuacija i javna skloništa

Lokalni predstavnici vlasti izdaju naređenja o evakuaciji kad nepogoda zaprijeti. Slušajte lokalne radio i TV izvještaje u vrijeme dešavanja mogućih vanrednih situacija. Ako lokalne vlasti traže da napustite mjesto boravka, odmah to uradite!

Ako imate samo nekoliko momenata da izvršite evakuaciju, zgrabite sljedeće:

- ✓ Medicinske potrebštine – propisani lijekovi, test-listići za dijabetes, itd.
- ✓ Naočare ili kontakt-sočiva i sredstvo za čišćenje istih
- ✓ Priručni pribor za slučaj neposredne opasnosti
- ✓ Odjeću i posteljinu
- ✓ Ključeve od auta

Ako lokalne vlasti nisu savjetovale evakuaciju odmah, preduzmite sljedeće korake da zaštitite vaš dom prije nego što odete:

- ✓ Isključite struju na glavnoj sklopki ili osiguraču i zatvorite vodu na glavnom ventilu.
- ✓ Ostavite napajanje prirodnim gasom, sem ako vam vlasti ne savjetuju da ga zatvorite.
- ✓ Ako se očekuje jak vjetar, prekrijte vanjsku površinu svih prozora.
- ✓ Ako se očekuje poplava, razmotrite da iskoristite vreće sa pijeskom da biste zadržali vodu.
- ✓ Ponesite važne dokumente sa sobom – vozačku dozvolu, karticu socijalnog osiguranja, polise osiguranja, rodne i vjenčane listove, vrijednosne papire, oporuke, itd.

Javna skloništa mogu biti otvorena tokom određenih situacija neposredne opasnosti ili katastrofalnih nepogoda. Lokalna sredstva informisanja će obznaniti lokacije skloništa. U većini slučajeva skloništa će obezbijediti samo osnovne predmete kao što su obroci hrane, pokretni kreveti i ćebad. Držite na umu da kućni ljubimci (osim službenih životinja) obično ne mogu ući u javna skloništa zbog zdravstvenih razloga.



Ne zaboravite: Ako morate da se evakuišete iz kuće, svakako ponesite naočare ili kontaktna sočiva i lijekove.

Sigurnost od požara kod kuće

Ugradite **alarm za dojavljivanje dima (smoke alarm)** van svake od spavaćih soba i na svakom spratu kuće. Ako osobe u vašoj kući spavaju dok su vrata zatvorena, instalirajte dimne alarme unutar spavaćih soba.

Testirajte alarme jednom mjesečno i **zamijenite** sve baterije u njima najmanje jednom godišnje. Zamijenite cijele alarme svakih 10 godina.

Nabavite jedan ili više aparata za gašenje požara da ih imate kod kuće. Kontaktirajte lokalnu vatrogasnu stanicu za savjet – koja vrsta je najbolja za vas.

Planirajte pravce bijega

- ✓ Odredite najmanje dva načina bijega iz svake od soba u kući.
- ✓ Razmotrite i požarne stepenice/ljestve za spavaće sobe na drugom ili trećem spratu.
- ✓ Odaberite lokaciju gdje se možete sresti sa svima nakon bijega.
- ✓ Vježbajte svoj plan bijega najmanje dva puta godišnje sa članovima domaćinstva.

Izbjegnite bezbjedno

Ako vidite dim ili vatru na putu kuda ste prvo mislili izbjеći, koristite drugu varijantu bijega. Ako morate bježati kroz dim, puzite nisko, ispod dima, prema izlazu.

Ako treba da izbjegnute kroz zatvorena vrata, pipnite vrata prije otvaranja. Ako su vruća, koristite drugu varijantu bijega. Ako dim, vrućina ili plamen blokiraju puteve izlaska, a ne možete pobjeći kroz prozor, ostanite u sobi i držite vrata zatvorena. Signalizirajte tražeći pomoć, koristeći svijetlo obojen ručnik na prozoru. Ako imate telefon u sobi, nazovite 911 i recite dispečerima gdje se nalazite.

Kad konačno izađete, ostanite vani! Nazovite 911 iz susjedne kuće.



Ne zaboravite: Testirajte alarmne aparate za dojavljivanje dima mjesečno i mijenjajte baterije u njima najmanje jednom godišnje.

Poplave i 'flash' poplave (flooding)

Sad je vrijeme da odredite rizike od poplave u vašem kraju. Ako niste sigurni da li živite u plavnom području, kontaktirajte lokalne vlasti da se uvjerite. Ako živite u plavnom području, razmotrite da uzmete osigurnje od poplava.

Kad je **osmatranje poplava (flood watch)** na snazi, pomjerite namještaj i dragocjenosti na više spratove u kući. Pripremite se za moguću evakuaciju.



Kada je **upozorenje za poplavu (flood warning)** na snazi, slušajte radio ili gledajte lokalni TV program zbog informacije i instrukcija.

Tokom 'flash flood' upozorenja, ne vozite oko barikada ili ne pokušavajte da vozite prema donjim ulicama, koje su pokrivene vodom. Potcjenjivanje dubine vode može biti smrtonosna greška.

Kada je **'flash flood' upozorenje** na snazi, pomaknite se na viši teren, dalje od rijeka, rječica, potoka i drenaža.

Ne vozite oko barikada. Ako vam auto stane u brzo nadolazećoj vodi, odmah ga napustite i penjite se naviše.

Sijevanje i oluje sa grmljavinom

Ako možete čuti grom, dovoljno ste blizu oluje i mogli biste biti pogođeni munjom. Odmah se sklonite u unutrašnje prostorije i slušajte lokalne radio i TV stanice zbog informisanja i uputa. Ne zaboravite da držite svoj NOAA radio za vremensku prognozu stalno upaljen.

Kada se oluja približi, isključite električne uređaje i isključite klima-uređaj. Izbjegavajte korištenje telefona ili bilo kakvih elektronskih uređaja i nemojte se tuširati i kupati.

Ako ste u šumi, sklonite se pod kraće drveće. **Ako ste u čamcu ili plivate,** odmah idite na kopno i sklonite se!

Ako ne možete naći sklonište, idite do nižeg mjesta, otvorenog prostora, dalje od drveća, stubova ili metalnih objekata. Čučnite prema zemlji, stavite ruke na koljena i glavu među njih. **Nemojte ležati položeni na zemlji!**

Nakon što oluja prođe, držite se dalje od zona pogođenih olujom. Slušajte radio ili gledajte lokalni TV program, zbog informisanja i uputa.

Ako je neko pogođen munjom, ta osoba nije naelektrisana i može se oko nje bezbjedno raditi u svrhu pomoći. Nazovite 911 i dajte prvu pomoć.

Osnovne vještine u davanju prve pomoći mogu biti od vrijednosti, tako da biste ih sada trebali naučiti. Pogledajte u lokalnom telefonskom imeniku (yellow pages) da biste vidjeli spisak ustanova koje obučavaju kurs prve pomoći.



Ne zaboravite: Ako možete čuti grom, dovoljno ste blizu oluje da biste mogli biti pogođeni munjom. Odmah potražite zaklon.

Tornada

Odaberite mjesto gdje se članovi porodice mogu okupiti ako tornado ide u vašem pravcu. Najbolji su podrumi, a ako nemate podrum, odaberite srednji hodnik, kupatilo ili ostavu na najnižem spratu.

Ako ste vani, požurite u podrum ili najbližu stabilnu kuću, ili ležite po zemlji u nekoj rupi ili niziji.

Ako ste u vozilu ili mobilnoj kući, odmah izađite i uputite se prema sigurnijem mjestu.

Nakon što tornado prođe, obratite pažnju na oborene dalekovode i držite se van pogođenih područja. Slušajte radio ili gledajte lokalni TV program zbog informisanja i uputstava.



Ne zaboravite: Ako nemate podrum, kupatilo na najnižem spratu u kući je dobro mjesto za skloniti se tokom tornada. Svakako ponesite radio za vremenske prognoze sa sobom u privremeno sklonište.


Oboreni provodnici pod naponom

Ako naiđete na oborene žice pod naponom, odmah se odmaknite odatle i tražite pomoć - nazovite 911.

Ako ste u vozilu, kada provodnik pod naponom padne na isto, čekajte u vozilu da pomoć stigne. Ako morate izaći iz vozila, zbog vatre ili povrede koja ugrožava život:

- ✓ Iskočite iz vozila i dočekajte se na obje noge.
- ✓ Ne držite se za vrata kad iskačete.
- ✓ Kad se dočekate na zemlju, skačite od mjesta gdje ste bili — ne trčite.





Premorenost od vrućine može prouzrokovati blaži šok i dovesti do toplotnog udara, što je stanje opasno po život.

Toplotni talasi

Opasnosti koje susrećemo tokom perioda veoma visokih temperatura uključuju:

Grčevi od vrućine: To su mišićni bolovi i grčevi izazvani težim naporom. Oni su rani znak da tijelo ima problema sa vrućinom.

Premorenost od vrućine: Ovo se obično dešava kad osobe vježbaju ili rade intenzivno na vrućem, vlažnom mjestu, gdje se tjelesna tečnost gubi zbog težeg znojenja. Doliv krvi prema koži se pojačava, prouzrokujući time da protok krvi prema vitalnim organima postaje manji. Rezultat ovakvog slijeda događja je blaži šok. Ako se ne liječi, žrtva može doživjeti toplotni udar.

Toplotni udar (heat stroke - sunstroke):

Toplotni udar je opasan po život. Premorenost od vrućine može prouzrokovati blaži šok i dovesti do toplotnog udara, što je stanje opasno po život.

Ako se toplotni talas može predvidjeti ili je u toku...

- ✓ **Usporite.** Izbjegavajte zamorne aktivnosti.
- ✓ **Ostajte u kući** što je više moguće.
- ✓ **Oblačite** laganu, svijetlo obojenu odjeću.
- ✓ **Pijte** dosta tečnosti, redovno i često.
- ✓ **Jedite** male obroke i češće.
- ✓ **Izbjegavajte** korištenje slanih tableta (salt tablets), sem ako vam je propisano od ljekara.



Ne zaboravite: Pijte dosta vode tokom toplotnog talasa i jedite manje, a češće obroke.

Snježne oluje i ekstremne hladnoće

Prije nego oluja počne, imajte pri ruci dodatnu ćebad i osigurajte da svaki član porodice ima topli kaput, rukavice, toplu kapu i tople, vodo-otporne čizme. Pokrijte usta da biste zaštitili pluća od hladnog zraka i čestica u zraku.

Tokom oluje, izbjegavajte ići napolje. Ako morate, obucite više slojeva lakše odjeće — ovako ćete biti bolje zaštićeni od zime, nego pod jednim težim kaputom.

Trebali biste **izbjegavati putovanje automobilom** u oluji, ali **ako morate:**

- ✓ Ponesite priručni pribor za slučaj neposredne opasnosti u autu.
- ✓ Držite rezervoar automobila pun goriva.
- ✓ Recite nekome gdje idete, kojom cestom i kad procjenjujete da ćete stići na odredište.

Ako ostanete zarobljeni uz vozilo...

- ✓ Ostanite kod auta. Nemojte pješaćiti prema sigurnom mjestu.
- ✓ Privežite svijetlo obojenu krpu (najbolja je crvena) na antenu da bi vas spasioci vidjeli.
- ✓ Upalite auto i držite grijanje oko 10 minuta svakog sata.
- ✓ Držite jedan prozor (u zavjetrini) malo otvorenim, samo da vam ulazi zrak.
- ✓ Držite upaljeno svjetlo u kabini dok auto radi, da bi vas se lakše vidjelo.
- ✓ Dok sjedite, mičite ruke i noge, da bi vam krv cirkulisala i da bi vam bilo toplije.



Ne zaboravite: Ako morate izaći tokom oluje, obucite više slojeva lakše odjeće. Oni će vas zaštititi od hladnoće bolje nego jedan teži kaput.

Ako čistite lopatom snijeg nakon oluje, budite oprezni da se ne premorete. Naporne aktivnosti na hladnoći mogu opteretiti srce.

Nestanak struje

Prije nestanka struje...

- ✓ Ako imate električni uređaj za otvaranje garažnih vrata, locirajte ručicu za manuelno otvaranje i naučite kako radi.
- ✓ Držite rezervoar u autu najmanje napola pun, pošto benzinske stanice koriste struju da bi njihove pumpe funkcionisale.
- ✓ Nabavite dodatni akumulator pri ruci za invalidska kolica koja rade na struju.

Tokom nestanka struje...

- ✓ Koristite lampu samo za hitne potrebe – nikada ne koristite svijeće, pošto one znatno pojačavaju rizik od kućnog požara.
- ✓ Većina bežičnih telefona ne radi ako nema struje, tako da se osigurajte da imate standardni telefon u kući. Može se desiti da mobilni telefoni ne budu radili kako treba, pošto tokom nedostatka struje mobilne mreže mogu izgubiti energiju na tornjevima koji prenose pozive.
- ✓ Isključite električne aparate koje ste koristili kad je nestalo struje. Ostavite samo jedno svjetlo, tako da znate kad struja dođe.
- ✓ Izbjegavajte otvaranje frižidera i zamrzivača. Većina lijekova koji zahtijevaju da se čuvaju hladeni, mogu biti u frižideru više sati.
- ✓ Ne palite generator unutar kuće ili garaže niti ga priključujte na električno napajanje stana. Ako koristite generator, skopčajte uređaje koje želite napajati direktno na napajanje generatora.
- ✓ Slušajte radio zbog najnovijih podataka.



Ne zaboravite: Osigurajte se da imate standardni telefon sa šnjurom u kući. Može se desiti da vam to bude jedini telefon koji radi tokom nestanka struje.

Slučajevi neposredne opasnosti sa prirodnim gasom

Možete pomoći kod sprječavanja slučajeva neposredne opasnosti sa prirodnim gasom tako što ćete nazvati 'locator service' (811 u North Dakota i Minnesota) prije nego počnete kopati na svojoj zemlji. Ovo će vam pomoći da izbjegnute mogući nailazak na gasovode.

Ako namirišete gas vani, izmaknite se iz te zone, sve dok miris ne iščez. Ne vraćajte se na te prostore dok vam vlasti ne kažu da je sigurno da to uradite. nazovite 911.

Ako namirišete gas u prostoriji, izađite odmah, ostavite vrata otvorena da bi se bolje prostor izračio. Ne koristite prekidače, električne uređaje ili telefone (kako mobilne, tako ni žičane) u kući ili zgradi koja je pod rizikom od ispusta gasa. Ugasite cigarete i ne palite šibice.

Odmaknite se na sigurnu udaljenost od kuće i nazovite 911. Ne vraćajte se u zonu dok vam zaduženi organi vlasti kažu da je sigurno tako da učinite.



Možete pomoći preventivno kod neposrednih situacija sa gasom tako što ćete zvat 'utility locator' službu u svojem kraju prije nego što počnete kopati na svojem zemljištu.

Slučajevi neposredne opasnosti od hemikalija

Pod određenim uslovima, hemikalije koje su obično bezbjedne, mogu biti otrovne ili štetne po zdravlje. Glavna opasnost u radu sa hemikalijama je nezgoda kojom se oslobodi rizičan iznos hemikalija u okolinu. Nezgode se mogu desiti pod zemljom, na željezničkim prugama ili auto-putevima i u fabričkim pogonima. Mogu podrazumijevati požar ili eksploziju, ili pak mogu biti potpuno nemoguće da se vide ili omirišu.



Možete biti izloženi hemikalijama tako što:

- ✓ Udišete hemikalije.
- ✓ Progutate zagađenu hranu, vodu ili medikament.
- ✓ Dirnete hemikaliju, ili dođete u kontakt sa odjećom ili drugim predmetima koji su dodirivali hemikaliju.

Ako ste vani tokom hemijskog izliva velikih razmjera, držite se uz vjetar ili uzvodno od mjesta ispuštanja hemikalija i potražite sklonište odmah.

Mnogi misle o hemikalijama kao samo o substancama koje se koriste u proizvodnim procesima. Međutim, hemikalije se nalaze svugdje – u kuhinjama, medicinskim kabinetima, podrumima i garažama. **Najčešće situacije sa hemikalijama kod kuće podrazumijevaju kad mala djeca naiđu i pojedu medikamente.** Čuvajte sve lijekove, kozmetiku, sredstva za čišćenje i ostale hemijske proizvode za domaćinstvo van pogleda i domašaja djece. Ako vaše dijete popije ili pojede substancu koja nije za jelo, nađite odmah sve kutije u kojima je hemikalija stajala i idite da telefonirate. Nazovite centar za kontrolu trovanja (poison control center) ili 911 i pažljivo slijedite instrukcije koje su vam date.

Predostrožnost sa proizvodima za domaćinstvo

- ✓ Izbjegavajte miješanje hemikalija za domaćinstvo
- ✓ Uvijek pročitajte uputstvo prije nego počnete koristiti novi proizvod.
- ✓ Nikad nemojte pušiti dok koristite hemikalije za domaćinstvo.
- ✓ Počistite prosute hemikalije odmah, uz zaštitu oči i kože.
- ✓ Riješite se proizvoda propisno imajući u vidu zaštitu okoline i životinja.

Neposredna opasnost u sferama javnog zdravlja


Neposredna opasnost u sferama javnog zdravlja uključuje širenje bolesti, biološke i hemijske opasnosti, kao i prirodne katastrofe. Centar za kontrolu bolesti (Centers for Disease Control and Prevention) vas podstiče da pripremite priručni pribor za sve rizične situacije neposredne opasnosti, tako da bi on mogao biti korišten tokom bilo kakve nepogode.

Bio-teroristički napad je namjerno ispuštanje virusa, bakterija, ili ostalih zaraza (koji se zovu "agenti, agents") i koriste da prouzrokuju bolest ili smrt kod ljudi, životinja ili biljaka. Biološki agenti mogu se širiti zrakom, vodom ili hranom. Teroristi mogu koristiti biološke agente zato što ih je obično izuzetno teško otkriti i mogu ne izazvati bolest za duže vremena – odložiti pojavu za više sati ili dana. Neki bio-teroristički agenti, kao virus pljuskavica, malih boginja, može biti raširen sa osobe na osobu, dok neki, kao npr. antrax - ne može se tako širiti.

Fargo Cass Public Health i Clay County Public Health planiraju da razdijele lijekove i da vakcinišu populaciju u slučaju neposredne opasnosti. Mjesta za masovnu podjelu bi bila najavljena javno u vrijeme neposredne opasnosti.

Planiranje za slučaj pandemije influenze

Vjerovatno ste čuli o potencijalnoj epidemiji "ptičije gripe" (bird flu) u svijetu. 'Community Influenza Collaborative' je organizacija koja se sastaje da razvije planove djelovanja za moguću influenza pandemiju kao što je ova navedena. Grupa ima predstavnike iz Cass i Clay okruga, uključujući agencije javnog zdravlja, bolnice, njegovališta, fakultetske zdravstvene organizacije, ustanove i klinike za masovna liječenja.



U slučaju vanredne opasnosti u sferi javnog zdravlja, klinike mogu biti organizovane da obezbijede vakcinacije ili liječenje populacije.

Ovo izdanje je omogućeno od strane:

Cass City Vlada

Opština Dilworth

Opština Fargo

Opština Moorhead

Opština West Fargo

Clay County Vlada

Fargo Cass Public Health

Minn-Kota Chapter, American Red Cross

United Way of Cass-Clay

Ovo izdanje je potpomognuto Grant/Cooperative Agreement-om broj 5U90TP817000 od CDC-a.

Sadržaji su potpuno u nadležnost autora i ne predstavljaju neophodno službene stavove CDC-a.